

## Burkina - Kisindam Binndi - Salvation Scriptures

Efeesunkoobe 2:2 on jokkunoobe laawol bonngol ngol adunaaru ndu jokki ngool, on dowlaninoobe laamiido baawde gonde dow mbeeyu oon. Laamiido oon wo Ibiliisa golloowo faa hannden ley yimbe saliibe Laamdo been.

Matta 6:10 Laamu maa wara. Muuyde maa ngadee dow leydi do hono no ngadirtee dow kammuuli ni.

Lukka 22:42 imo wi'a: —Baaba, si a muuyii, woddinam horde torra nde. Ammaa taa dum laatoroo muuyo am, dum laatoroo muuyo maa aan!

Yuhanna 16:7-9 Dum fuu e laataade, mido haalana on goonga: mi yaha ni buri nafude on. Sabo si mi yahaay, Balloovo on oon warataa to moodon. De si mi yehii, mi nuldan on mo. 8 Si o warii fu, o laabinanan yimbe adunaaru dow hakkeji mubben e dow fonnditaare e sariya. 9 Dow hakkeji, sabo be ngoondinaay kam.

2 Timote 2:10 Dum wadi de mido munya huunde fuu saabe subaabe Laamdo been, faa kambe du be keba kisindam ngondam e lisaa Almasiihu, be kawta e muudum teddeengal faa abada.

Romankoobe 15:20,21 Katin du, gilla arande anniya am wo waajaade Kabaaru Lobbo do innde Almasiihu yottaakino, faa taa mi nyiba dow nyimngo neddo goddo. 21 De mi wada hono no winndiraa ni: «Be kumpitaakano haala makko been nji'owan, be nanaayno been du paamowan.»

Golle Nulaabe 2:36,37 Lenyol Israa'iila fuu tannyora: lisaa mo tontudon e leggal palaangal oon, Laamdo wadii dum Joomiraado, wadii dum Almasiihu. 37 Nde be nannoo haala kaan ndeen, ka yuwi berde mabbe sanne, be mbi'i Piyeer e nulaabe heddiibe been: —Sakiraabe, dume min kaani wadude?

Ibraninkoobe 4:2 Sabo enen du, en nanii kabaaru lobbo hono no yimbe ley ladde been naniri ni. De kambe kaa, ko be nannoo duum nafaay be sabo be kettindoraaki dum goondinal.

Yeremiya 24:7 - Matta 22:37 lisaa jaabii mo, wi'i: —Yidir Laamdo Joomiraado maa e bernde maa fuu e yonki maa fuu e hakkillo maa fuu.

Golle Nulaabe 16:14 Gooto mabbe wo debbo jokkudo Laamdo bi'eteedo Lidiya. Wo o connoowo kaddule bodeeje, jeyaado ngallure wi'eteende Tiyatira. Imo hettindii waaju oon, de Joomiraado omni bernde makko faa o jaba ko Pool waajotoo duum.

Matta 13:14-16 Noon ko annabi Esaaya haali duum tabitiri dow mabbe nde wi'unoo: «On nanan faa wooda, de on paamataa. On ndaaran faa laaba, de on nji'ataa. 15 Sabo yimbe lenyol ngol na njoori berde: Be cukkii noppi mabbe, be mubbii gite mabbe, taa gite mabbe nji'a, taa noppi mabbe nana, taa hakkillooji mabbe paama, taa be tuuba, de mi danna be.» 16 Ammaa onon, barke woodanii on: gite moodon ina nji'a, noppi moodon du ina nana!

Esaaya 6:9,10 - Golle Nulaabe 28:27 Sabo lenyol ngol bernde muudum yoorii.  
Be cukkii noppi mabbe, be mubbii gite mabbe. Si wanaa noon fu gite mabbe  
nji'an, noppi mabbe nanan, hakkillooji mabbe paaman. Ndeen be ngartan be  
ndewa kam de mi danna be.»

Marku 4:11,12 O wi'i be: —Onon, on kokkaama faamude ko suudii e kabaaru  
laamu Laamdo. De wonbe yaasin been, huunde fuu sanaa mbanndanee. 12  
Dum wadi de: «ina ndaara faa wooda tawa nji'ataa, ina nana faa laaba tawa  
paamataa, faa taa be tuuba de be njaafee.»

Yuhanna 12:39,40 Be mbaawaano goondinde, sabo Esaaya wi'iino du: 40  
«Laamdo wumnii gite mabbe, yoornii berde mabbe, taa gite mabbe nji'a, taa  
berde mabbe paama, taa be tuuba, de o danna be.»

Romankoobe 11:7,8 Ndelle, dume laatii? Ko laatii dey, Israa'iilankoobe been  
kebaay ko pilotonoo duum, wo be Laamdo subii been ni kebi dum. Heddiibe  
been, berde mubben njoornaa 8hono no winndiraa ni: «Laamdo uddii  
hakkillooji mabbe, wumnii gite mabbe, faadiniit noppa mabbe. Faa hannden  
noon worri.»

2 Tesaloniyankoobe 2:10,11 O golliran siyiji bonanda fuu faa o hiila halkoobe  
been, sabo be njabaay yidude goonga de be kisinee. 11 Saabe duum,  
Laamdo nuldan be majjere mawnde, faa be ngoondina fewre.

Matta 13:18-23 —Ndelle, kettindee maanaa banndol aawoowo ngol. 19 Neddo  
fuu nando haala laamu Laamdo de tawi faamaay dum, bondo oon waran, itta  
ko aawaa e bernde muudum. Kabaaru neddo oon ina nanndi e aawdi  
caamundi sera laawol ndiin. 20 Kabaaru aawdi caamundi e korokaaye ndiin,  
ina nanndi e neddo nanoowo konngol ngool de jabboro ngol seyo wakkati  
oon. 21 Ammaa ngol walaa dadi e neddo oon. O nanngan ngol wakkati  
seeda tan. Nde billaare naa torra hewti mo saabe konngol ngool fu, o yoppan  
ngol wakkati gooto. 22 Kabaaru aawdi caamundi e kebbe ndiin, ina nanndi e  
neddo nanoowo konngol ngool, de kabbu-ko'u adunaaru e eytugol jawdi billa  
ngol, ngol laatoo dimarol. 23 Ammaa kabaaru aawdi caamundi e leydi lobbiri  
ndiin, been ngoni nanoobe konngol ngool de paama ngol. Wakkati oon, be  
ndiman bibbe: yoga hemre, yoga capande jeegom, yoga capande tati.

2 Korintunkoobe 3:15,16 Goonga, faa warde hannden, si Tawreeta Muusaa  
janngaama fu, suddaare ndeen ina heddi ina suddi berde mabbe. 16 Ammaa  
si neddo wartii to Joomiraado fu, suddaare ndeen huncete e bernde  
muudum.

Hoseya 11:3-7 - Matta 11:28-30 Onon tampube, ronndiibe donje teddude, on  
fuu ngaree to am faa mi fowtina on. 29 Leeyinee ko'e mon ley hoorewaaku  
am faa mi dowa on, accon mi janngina on. Sabo mi keesindiido jom bernde  
leeyunde, yonkiji moodon keban powtiri. 30 Sabo ko njamirammi on duum  
ina hoyi ronndaade, donngal am du ina huyfi.

Golle Nulaabe 26:18 Mi nulete faa peertaa gite mabbe, be yuwa e nimre, be  
ngarta e annoora, be yuwa e baawde Seydaani, be ngarta e Laamdo, be

keba yaafeede hakkeeji mabbe, be ndonida e seniibe saabe ko be goondini kam duum.»

2 Timote 2:24-26 De maccudo Joomiraado haanaa dukideede, ammaa ko haani tawee wo newaniido yimbe fuu, baawdo jannginde, jom munyal. 25 Sanaa o dartinira yeddoobe mo jam-jam, sabo hasii Laamdo hokkan be no be tuubira, de be paama goonga. 26 Ndeen kaa be kebtan hakkillo, be kisa e tuugol Ibiliisa nanngudo be, ina gollina be muuyde mum oon.

Bangingol 3:17-19 Ada wi'a: «Mi jom jawdi, mi hawrundurii jawdi, mi haajaaka fay huunde.» Tawi le, a anndaa wo a mettudo hoore, a jurminiido, a talkaajo, a bumdo, a koldo! 18 Mido tindine, coodaa to am kanje laabiniraado yiite, faa kebaa jawdi ngoongalaari. Coodaa to am du kaddule daneeje bornodaa, faa cuuraa banndu maa boldu nduun e semteende. Katin du, coodaa to am nebbam faa mbujaa gite maa de kebaa nji'aa. 19 Miin, mido fela yimbe be njidumi, mido dartina dum'en. Ndelle, tinnodaa, tuubaa!

2 Korintunkoobe 7:10 Sabo mettorgal kawroowal e muuyde Laamdo ina wada faa neddo tuuba, de hisa, mimsugol du fuu walaa e majjum. Ammaa mettorgal adunaaru, wo maayde wadata.

1 Kaanankoobe 18:37 - Laamdo turn heart back to Laamdo.

2 Korintunkoobe 4:4 Been le, be ngalaa goondinal, sabo Ibiliisa wumnii hakkillooji mabbe taa nji'a annoora Kabaaru Lobbo. Kabaaru oon na holla darja Almasiihu jogiido tagaadi Laamdo.

Lukka 8:11-15 Inan maanaa banndol ngol: aawdi ndiin wo konngol Laamdo. 12 Ngondi sera laawol ndiin woni nanoobe ngol, de Ibiliisa wara, itta ngol e berde mubben taa ngoondina de kisa. 13 Ngondi dow korokaaye ndiin woni nanoobe ngol, njabboroo ngol seyo, de be ngalaa dadì ley maggol. Wakkati seeda tan be ngoondinta. Nde ndaartindagol wari fuu, be njoppan. 14 Caamundi ley kebbe ndiin woni nanoobe konngol ngool, ammaa ley mawnugol mubben ndeen kabbu-ko'u e jawdi e mbelirka adunaaru billan dum'en, kunngoo rimude. 15 Ammaa do aawdi ndiin saami e leydi lobbiri doon, been ngoni naniroobe konngol ngool berde belde laabude. Ley tinnitaare be tiigoo ngol faa ngol rima.

Golle Nulaabe 15:11 A'aa. Wo moy'ere Joomiraado meeden lisaa de tannyorden hisineede. Hono noon kambe du.

Romankoobe 8:13 Sabo si on mbuurdii odon njokka muuyde terde, on maayan. Ammaa si on mbardii muuyde deen Ruuhu Laamdo fu, on mbuuran.